

經營理念無私心，
親像上帝傳福音，
龜騾驚蛇若消沉，
光明遠景緊來臨。

誠信待人用真心，
鹹酸苦澀要吞忍，
平時交陪有謹慎，
卡贏戰時盤嘴錦。

創新不斷出黃金，
白水無味嘛好淋，
只要人人負責任，
天清月明無烏陰。

成長利純海底深，
宛如落葉滿秋林，
食燒食冷食人蔘，
親像戀人攬咧噉。

核心價值若無形，
員工表現就閒閒，
優勢弱勢顛倒反，
日日虧損了袂停。

團隊合作像家庭，
相親相愛用真情，
好事歹事街頭前，
顧厝顧人顧前程。

承諾客戶要達成，
是非好歹著分明，
君子之言勝萬兵，
講到做到逢尊敬。

安全措施要提升，
性命無常袂犧牲，
重如泰山光明頂，
輕如鴻毛白雲清。

服務信念拚代先，
顧客第一無紛爭，
誠心誠意來相挺，
平安順利鬥牽成。

總講一句要想通，
一等二靠三落空，
一想二做三成功，
認真打拚望春風。